



萬首唐人絕句卷第二十八

七言一百首

覽鏡見白鬚

權德輿

五十九首

秋來皎潔白鬚光
試脫朝簪學舞狂
一曲酣歌還自
樂兒孫嬉笑挽衣裳

酬李韶州

詔下忽臨山水郡
不妨從事恣攀登
莫言向北千行
鴈別有圖南六月鵬

答韋秀才

中峯雲暗雨霏霏
水漲花塘未得歸
心憶瓊枝望不

見幾回虛濕薜蘿衣

貢院對雪寄崔閣老

寓宿春闈歲欲除嚴風密雪絕雙魚思君獨步西垣
裏日日含香草詔書

寄李衡州

片石叢花畫不如此身三徑豈吾廬主人十騎東方
遠唯望衡陽鴈足書

戲贈張鍊師

月帔飄飄摘杏花相邀洞口勸流霞半酣乍奏雲和
曲疑是龜山阿母家

贈天竺靈隱二寺主

石路泉流兩寺分尋常鍾磬隔山聞山僧半在中峯
住共占清猿與白雲

贈老將

白草黃雲塞上秋曾隨票騎出并州鹿盧劔折虬鬚
白轉戰功多獨不侯

酬趙尚書看花見寄二首

春光深處曲江西八坐風流信馬蹄鶴髮杏花相映
好羨君終日醉如泥

杜城韋曲徧尋春處處繁花滿目新日暮歸鞍不相

待與君同是醉鄉人

戲贈表兄崔秀才

何事年年戀隱淪成名須遣及青春明時早獻甘泉
去若待公車却誤人

戲贈蘇九

蘇好讀元魯山
文或勸入關者

白首書窻成鉅儒不知簪組遍屠沽勸君莫問長安
路且讀魯山于為于

人日送房侍御歸越

驛騎歸時驄馬蹄蓮花府映若邪溪帝城人日風光
早不惜離堂醉似泥

送十九兄歸江東

命駕相思不為名春風歸騎出關程離堂莫起臨岐
歎文舉終當薦禰衡

獻歲送李十兄赴黔中

一尊歲酒且留歡三峽黔江去路難志士感恩無遠
近異時應戴惠文冠

送從弟廣

夏雲如火鑠晨輝款段羸車整素衣知爾業成還出
谷今朝莫愴斷行飛

埭橋夜宴叙別

滿樹鐵冠瓊樹枝尊前燭下心相知明朝又與白雲
遠自古河梁多別離

送袁太祝衢婺巡覆

校緡稅畝不妨閑清興自隨魚鳥閒知君此去足佳
句路出桐溪千萬山

揚州與丁山人別

將軍易道令威仙華髮清談得此賢惆悵今朝廣陵
別遼東後會復何年

得撫州報喜戴貞外無事二首

鶴髮州民擁使車人人自說受恩初如今天下無冤

氣乞爲邦君雪謗書

衆人鋪啜喜君醒渭水由來不雜涇遮莫雪霜撩亂
下松枝竹葉自青青

答張工部

書來遠自薄寒山繚繞洮河出古關今日難裁秣陵
報薤歌寥落柳車還

冬至宿齋時郡君南內朝謁因寄

清齋獨向丘園拜盛服想君興慶朝明日一陽生百
福不辭相望阻寒宵

發硤石路上却寄

莎柵東行五谷深千峯萬壑雨沉沉細君幾日路經
此應見悲翁相望心

餘干別張侍御

蕪城陌上春風別干越亭邊歲暮逢驅車又愴南北
路反照寒江千萬峯

別表兄韋卿

新讀兵書事護羌腰閒寶劍映金章少年百戰應輕
別莫笑儒生淚數行

和王祭酒太社宿齋不得赴李尚書宅會
戲

元禮門前勞引望句龍壇下阻歡娛此時對局空相
憶博進何人更樂輸

八月十五日夜瑤臺寺對月

羸女乘鸞已上天仁祠空在鼎湖邊涼風遙夜清秋
半一望金波照粉田

臘日龍沙會

簾外寒江千里色林中尊酒七人期寧知臘日龍沙
會却勝重陽落帽時

月夜過靈澈房

此身會逐白雲去未洗塵纓還自傷今夜幸逢清淨

境滿庭秋月對支郎

贈廣通上人

身隨猿鳥在深山早有詩名到世閒客至上方留盥
漱龍泓洞水晝潺潺

宮人斜

一路斜分古驛前陰風切切晦秋煙鉛華新舊共冥
寞日暮愁鴟飛野田

朝元閣

繚垣複道上層霄十月離宮萬國朝胡馬忽來清蹕
去空餘臺殿照山椒

石甕寺

石甕寒泉勝寶井汲人回挂青絲縷厨煙半逐白雲
飛當書老僧來灌頂

舟行夜泊

蕭蕭落葉送殘秋寂寞寒波急暝流今夜不知何處
泊斷猿晴月引孤舟

宿嚴陵

身羈從事驅征傳江入新安泛暮濤今夜子陵灘下
泊自慙相去九牛毛

和陳閣老當直從東省過史館看花

寒食假

書漏沉沉倦瑣闈西垣東觀閱芳菲繁花滿樹似留
客應爲主人休澣歸

棲霞寺雲居室

一徑縈紆至此窮山僧盥漱白雲中
澗吟定後更何事石上松枝常有風

題崔山人草堂

竹徑茅堂接洞天閑持麈尾漱春泉
世人車馬不知處時有歸雲到枕前

題柳郎中故居

下馬荒堦日欲曛潺潺石溜靜中聞
鳥啼花落人聲

絕寂寞山窓掩白雲

藥名詩

七澤蘭芳千里春瀟瀟花落石磷磷
有時浪白微風起坐釣藤陰不見人

春日戲題二首

簷前曉色驚雙燕戶外春風舞百花
粉署可憐閑對此唯令碧玉泛流霞

雨歇風輕一院香紅芳綠翠接東墻
春衣試出當軒立定被鄰家暗斷腸

贈友人

知向巫山逢日暮輕珪玉佩暫淹留曉隨雲雨歸何處還是襄王夢覺愁

舟行見月

月入孤舟夜半晴寥寥雙鴈兩三聲洞房燭影在何處欲寄相思夢不成

石楠

石楠紅葉透簾春憶得糝成下錦裯試折一枝含萬恨分明說向夢中人

斗子灘

斗子灘頭夜已深月華偏照此時心春江風水連天

闊歸夢悠揚何處尋

雜興五首

叢鬢愁眉時勢新初笄絕代北方人一顰一笑千金重肯似成都夜失身

乍聽絲聲似竹聲又疑丹穴九雛驚金波露洗淨於晝寂寞不堪深夜情

琥珀尊開月映簾調絃理曲指纖纖含羞斂態勸君住更奏新聲刮骨鹽

乳燕雙飛鶯亂啼百花如繡照深閨新糝對景如無比微笑時時出瓠犀

巫山雲雨洛川神珠襪香腰穩稱身惆悵糝成君不見
含情起立問傍人

黃蘗館

驅車振楫越山川候曉通宵冒煙雨青楓浦上蒐已
銷黃蘗館前心自苦

清明日次弋陽

自歎清明在遠鄉桐花覆水葛溪長家人定是持新
火點作孤燈照洞房

七夕

今日雲駢渡鵲橋應非脉脉與迢迢家人競喜開糝

鏡月下穿針拜九霄

太常寺宿齋有寄

轉枕挑燈候曉雞想君應歎太常妻長年多病偏相
憶不遣歸時醉似泥

朝回閱樂寄絕句

子城風暖百花初樓上龜茲引導車曲罷卿卿理駟
馭細君相望意何如

中書宿齋有寄

銅壺滴漏斗闌干泛灩金波照露盤遙想洞房眠正
熟不堪深夜鳳池寒

玉臺體

嬋娟二八正嬌羞日暮相逢南陌頭試問佳期不肯
道落花深處指青樓

雲

褚載七首

盡日看雲首不回無心都大似無才可憐光采一片
玉萬里晴天何處來

鶴

欲洗霜翎下澗邊却嫌菱刺污香泉沙鷗浦鴈應驚
訝一舉扶搖直上天

長城

秦築長城比鐵牢蕃戎不敢過臨洮焉知萬里連雲
色不及堯階三尺高

鷺鷥杜牧亦有

霜衣雪髮青玉鬚群捕魚兒溪影中驚飛低映碧山
去一樹梨花落晚風

弔秦叟

市西樓店金千秤渭北田園粟萬鍾兒被殺傷妻被
虜一身隨駕到三峯

定鼎門

郊鄆城高門倚天九重蹤跡尚依然須知道德無關

鎖一閉乾坤一萬年

陳倉驛

錦翼花冠安在哉
雄飛雌伏盡塵埃
一雙童子應惆悵
不見真人更獵來

宮怨二首

柯宗

塵滿金爐不在香
黃昏獨立重廊筵
歌何處承恩寵
一一隨風入上陽
長門槐柳半蕭疎
玉輦沉思恨有餘
紅淚漸消傾國態
黃金誰爲達相如

長門怨

劉言史

五首

獨坐爐邊結夜愁
暫時恩去亦難留
手持金筋垂紅淚
亂撥寒灰不舉頭

樂府二首

花領紅駿一向偏
綠槐香陌欲朝天
仍嫌衆裏嬌行疾
傍鞵深藏白玉鞭
珠噴團香小桂條
玉鞭兼賜霍嫖姚
弄影便從天禁出
碧蹄聲碎五門橋

過春秋峽

峭壁蒼蒼苔色新
無風晴景自勝春
不知何樹幽崖裏
臘月花開似北人

竹裏梅

竹與梅花相並枝
梅花正發竹枝垂
風吹總向竹枝上
直似王家雪下時

古寺花

司空文明 七首

共愛芳菲此樹中
千跗萬葉裏枝紅
遲遲欲去猶回望
覆地無人滿寺風

發渝州却寄韋判官

紅燭津亭夜見君
繁絃急管兩紛紛
平明分手空江轉
唯有猿聲滿水雲

送盧徹之太原

榆落鵑飛關塞秋
黃雲畫角見并州
翩翩羽騎雙旌後
上客親隨郭細侯

病中嫁女妓

萬事傷心在目前
一身垂淚對花筵
黃金用盡教歌舞
留與他人樂少年

江村即事

罷釣歸來不繫船
江村月落正堪眠
縱然一夜風吹去
只在蘆花淺水邊

峽口送友人

峽口花飛欲盡春
天涯去住淚沾巾
來時萬里同爲

客今日翻成送故人

登峴亭

峴山回首望秦關南向荊州幾日還今日登臨唯有
淚不知風景在何山

贈歌人郭婉

商堯藩 七首

石家金谷舊歌人起唱花筵淚滿巾紅粉少年諸弟
子一時怊悵望梁塵

漢宮詞三首

成帝夫人淚滿懷璧宮相趁落空階可憐玉兒花前
死唯有君恩白燕釵

霍家有女字成君年小教人著繡裙枉殺宮中許皇
后椒房恩澤是浮雲
駿馬金鞍白玉鞭宮中來取李延年承恩直入鴛鴦
殿一曲清歌在九天

吹笙歌

伶兒竹聲愁繞空秦女淚濕燕支紅玉桃花片落不
住三十六簧能喚風

新昌井

輓轡千轉勞筋力待得甘泉渴殺人且共山麋同飲
澗玉沙鋪底淺磷磷

潭州席上贈舞柘枝妓

姑蘇太守青娥女流落長沙舞柘枝
滿坐繡衣皆不識可憐紅臉淚雙垂

田家效陶

曹鄴十三首

黑黍春來釀酒飲青禾刈了驅牛載
大姑小叔常在眼却笑長安在天外

徒相逢

江邊野花不須采梁頭野燕不用親
西施本是越溪女承恩不薦越溪人

寄劉駕

一川草色青曩曩遶屋水聲如在家
悵望美人不携手墻東又發數枝花

題女郎廟

數點煙香出廟門女娥飛去影中存
年年嶺上春無戀露泣花愁斷客覓

北郭閑思

山前山後是青草盡日出門還掩門
每思骨肉在天畔來看野翁憐子孫

偶題

白王先生多在市青牛道士不居山
但能共得丹田

語正是忙時身亦閑

出關

山上黃犢走避人
山下女郎歌滿野
我獨南征恨此
身更有無成出關者

官倉鼠

官倉老鼠大如斗
見人開倉亦不走
健兒無糧百姓
飢誰遣朝朝入君口

聽劉尊師彈琴

曾遊清海獨聞蟬
又向空山夜聽泉
不似齋堂人靜
後秋聲長在七條絃

題山居

掃葉煎茶摘葉書
心閑無夢夜窻虛
口應光武恩波
晚豈是嚴君戀釣魚

送人下第

馬嘶殘日沒殘霞
二月東風便到家
莫羨長安占春
者明年始見故園花

早秋宿田舍

澗草踈踈螢火光
山月朗朗楓樹長
南村犢子夜聲
急應是欄邊新有霜

題舒鄉

功名若及鷗夷子必擬將舟泛洞庭柳色湖光好相
待我心非醉亦非醒

萬首唐人絕句卷第二十八

萬首唐人絕句卷第二十九

七言一百首

同王維過崔處士林亭 盧象 一首

映竹時聞轉轆轤當窻只見網蜘蛛主人非病常高
卧環堵蒙籠一老儒

新晴愛月

陸暢 三十一首

野性平生惟愛月新晴半夜觀嬋娟起來自擘紗窻
破恰漏清光落枕前

雲安公主出降雜詠催粧二首

天上瓊花不避秋今宵織女嫁牽牛萬人惟待乘鸞

出乞巧齊登明月樓

少粧銀粉飾金鈿端正天花貴自然聞道禁中時節
異九秋香滿鏡臺前

坐障

白玉爲竿丁字成黃金繡帶短長輕強遮天上花顏
色不隔雲中語笑聲

簾

真珠文織挂簷端錦緣羅旌千萬端早把玉鉤和月
卷神仙愁怕水精寒

階

玳玉編金次第平花紋隱起踏無聲幾重便上華堂
裏得見天人吹鳳笙

扇

寶扇持來入禁宮本教花下動香風姮娥須逐彩雲
降不可通宵在月中

成都贈別席夔

不值分流二江水定應猶得且同行三千里外情人
別更被子規啼數聲

游城東王駙馬亭

城外無塵水間松秋天木落見山容共尋蕭史江亭

去一望終南紫閣峯

望毛女峯

我種東峯千葉蓮此峯毛女始求仙今朝暗弄當時
事已是人間七萬年

送李山人歸山

來從千山萬山裏歸向千山萬山去山中白雲千萬
重却望人間不知處

長安新晴

九重深淺人不知金殿玉樓倚朝日一夜城中新雨
晴御溝流得宮花出

出藍田關寄童使君

萬里煙蘿錦帳閒雲迎水送度藍關七盤九折難行
處盡是龍龕黃界外山

題悟公禪堂

臨壇付法十三春家本長城若下人芸閣少年應不
識南山鈔主是前身

宿陝府北樓奉酬崔大夫二首

樓壓黃河山滿坐風清水涼誰忍卧人定軍州禁漏
傳不妨秋月城頭過

一別朱門三四春再來應笑尚風塵昨宵唯有樓前

月識是謝公詩酒人

陝州逢竇鞏同宿寄江陵韋協律

共出丘門歲九霜相逢悽愴對離觴
荆南爲報韋從事一宿同眠御史牀

夜到泗州酬崔使君

徐城洪盡到淮頭月裏山河見泗州
聞道泗濱清廟磬雅聲今在謝家樓

送崔貞外使回入京

六星宮裏一星歸行到金鉤近紫微
侍史別來經歲月今宵應夢護香衣

成都送別費冠卿

紅椒花落桂花開萬里同游俱未回
莫厭客中頻送客思鄉獨上望鄉臺

題商山廟

商洛秦時四老翁人傳羽化此山空
若無仙眼何由見總在廟前花洞中

題獨孤少府園林

四面青山是四鄰煙霞成伴草成茵
年年洞口桃花發不記曾經迷幾人

送獨孤秀才下第歸太白山

逸翮暫時成落羽將歸太白賞靈蹤須尋最近碧霄
處擬倩和雲買一峯

下第後病中

獻玉頻年命未通窮秋成病悟真空笑看朝市趨名
者不病那知在病中

送深上人歸江南

留得蓮花偈付誰獨攜金策欲歸時江南無限蕭家
寺曾與白雲何處期

題自然觀

劔閣門西第一峯道陵成道有高蹤行人若上升仙

處須撥白雲三四重

疾愈步庭花

桃紅李白覺春歸強步閑庭力尚微從困不扶靈壽
杖恐驚花裏早鶯飛

籌筆店江亭

九折巖邊下馬行江亭暫歇聽江聲白雲綠樹不關
我枉與樵人樂一生

贈賀若少府

十日廣陵城裏住聽君花下撫金徽新聲指上懷中
紙莫怪潛偷數曲歸

太子劉舍人邀看花

年少風流七品官
朱衣白馬冶遊盤
負心不報春光主
幾處偷看紅牡丹

薔薇花

錦窠花朵燃叢翠
葉眉稠裏露垂
莫引美人來架下
恐驚紅片落燕支

望簡寂觀

顧況五十八首

青嶂青溪直復斜
白雞白犬到人家
仙人住在最高處
向晚春泉流白花

五兩歌送張夏

竿頭五兩風颭裏
水上雲帆逐飛鳥
送君初出揚州時
靄靄瞳瞳江溢曉

臨海所居三首

此是昔年征戰處
曾經永日絕人行
千家寂寂對流水
唯有汀洲春草生

此去臨溪不是遙
樓中望見赤城標
不知疊嶂重霞裏
更有何人度石橋

家在雙峯蘭若邊
一聲秋磬發孤煙
山連極浦鳥飛盡
月上青林人未眠

聽角思歸

故園黃葉滿青苔
夢後城頭曉角哀
此夜斷腸人不見
起行殘月影徘徊

酬柳相公

天下如今已太平
相公何事喚狂生
箇身恰似籠中鶴
東望滄溟叫數聲

題明霞臺

野人本自不求名
欲向山中過一生
莫嫌憔悴無知己
別有煙霞似弟兄

哭絢法師

楚客停撓欲問誰
白沙江草麴塵絲
生公手種殿前

樹唯有花開鷓鴣悲

送柳宜城葬

鳴笳已逐春風咽
匹馬猶依舊路嘶
遙望柳家門外樹
恐聞黃鳥向人啼

宮詞五首

禁柳煙中聞曉鳥
風吹玉漏盡銅壺
內官先向蓬萊殿
金合開香瀉御鑪

玉樓天半起笙歌
風送宮嬪笑語和
月殿影開聞夜漏水
精簾卷近銀河

玉階容衛宿千官
風獵青旂曉仗寒
侍女先來薦瓊

藥露漿新下九霄盤

九重天樂降神仙步舞分行踏錦筵嘈噴一聲鍾鼓
歌萬人樓下拾金錢

金吾持戟護新簷天樂聲傳萬姓瞻樓上美人相倚
看紅粧透出水精簾

尋桃花嶺潘三姑臺

桃花嶺上覺天低人上青山馬隔溪行到三姑學仙
處還如劉阮二郎迷

夜中望仙觀

日暮銜花飛鳥還月明溪上見青山遙知玉女窻前

樹不是仙人不得攀

送李侍御往吳興

世閒只有情難說今夜應無不醉人若向洞庭山下
過暗知澆瀝聖姑神

送李秀才入京

五湖秋葉滿行船八月靈槎欲上天君入長安予適
越獨登秦望望秦川

越中席上看弄老人

不到山陰二十春鏡中相見白頭新此生不復爲年
少今日從他弄老人

贈朱放

野客歸時無四鄰
黔婁別久按常貧
漁樵舊路不堪入
何處空山猶有人

聽歌

子夜新聲何處傳
悲翁更憶太平年
只今法曲無人唱
已逐霓裳飛上天

贈韋清將軍

身執金吾主禁兵
腰閒瑤劍重橫行
接輿亦是狂歌者
更就將軍乞一聲

贈僧二首

家住義興東舍溪
溪邊莎草雨無泥
上人一向心入定
春鳥年年空自啼
出頭皆是新年少
何處能容老病翁
更把浮榮喻生滅
世間無事不虛空

登樓望水

鳥啼花發柳含煙
擲却風光憶少年
更上高樓望江水
故鄉何處一歸船

湖中

青草湖邊日色低
黃茅嶂裏鷓鴣啼
丈夫飄蕩今如此
一曲長歌楚水西

歲日作

不覺老將春共至更悲攜手幾人全
還丹寂寞羞明鏡手把屠蘇讓少年

山中贈客

山中好處無人別澗梅偽作山中雪
野客相逢夜不眠山中童子燒松節

王郎中妓席五詠

玉作搔頭金步搖高張苦調響連宵
欲知寫盡相思夢度水尋雲不用橋

笙篴

汗浥新裝盡不成絲催急節舞衣輕
落花遶樹疑無

影回雪從風暗有情

舞

柳拂青樓花滿衣能歌宛轉世應稀
空中幾處聞清響欲遶行雲不遣飛

歌

秦聲楚調怨無窮隴水胡笳咽復通
莫遣黃鶯花裏轉參差撩亂妬春風

箏

欲寫人間離別心須聽鳴鳳似龍吟
江南曲盡歸何處洞水山雲知淺深

笙

送李山人還玉溪

好鳥共鳴臨水樹幽人獨欠買山錢
若為種得千竿竹引取君家一眼泉

送少微上人還鹿門

少微不向吳中隱，為箇生緣在鹿門。行入漢江秋月色，襄陽耆舊幾人存。

宿昭應

武帝祈靈太一壇，新豐樹色繞千官。豈知今夜長生殿，獨閉山門月影寒。

題琅邪上方

東晉王家在此溪，南朝樹色隔窓低。沉碑字滅昔人遠，谷鳥猶向寒花啼。

安仁港口望仙人城

樓臺采翠遠分明，聞說仙家在此城。欲上仙城無處上，水邊花裏有人聲。

寄秘書包監

一別長安路幾千，遙知舊日主人憐。賈生只是三年謫，獨自無才已四年。

小孤山

古廟楓林江水邊，寒鴉接飯鴈橫天。大孤山遠小孤出，月照洞庭歸客船。

葉道士山房

水邊垂柳赤欄橋，洞裏仙人碧玉簫。近得麻姑書信

不濟陽向上不通潮

送李秀才游嵩山

嵩山石壁挂飛流無限神仙在上頭采得新詩題石壁老人惆悵不同遊

從剡溪至赤城

靈溪宿處接靈山窈映高樓向月閑夜半鶴聲殘夢裏猶疑琴曲洞房閒

葉上題詩從苑中流出

花落深宮鶯亦悲上陽宮女斷腸時君恩不閉東流水葉上題詩寄與誰

崦裏桃花

崦裏桃花逢女冠林間杏葉落仙壇老人方授上清籙夜聽步虛山月寒

聽子規

西霞山中子規鳥口邊血出啼不了山僧後夜初出定聞似不聞山月曉

竹枝曲

帝子蒼梧不復歸洞庭葉下荆雲飛巴人夜唱竹枝後腸斷曉猿聲漸稀

尋僧一首

惆悵多山人復稀
杜鵑啼處淚霑衣
故園此去千餘里
春夢猶能夜夜歸

櫻桃曲

百舌猶來上苑花
遊人獨自憶京華
遙知寢廟嘗新後
勅賜櫻桃向幾家

佳人贈別

萬里行人欲渡溪
千行珠淚滴爲泥
已成殘夢隨君去
猶有驚烏半夜啼

答顧況

包幼正
二首

千越城邊楓葉落
楚人書裏寄離騷
寒江鷓鴣思儔

侶歲歲臨流刷羽毛

歲日作

更勞今日春風至
枯樹無枝可寄花
覽鏡唯看飄亂髮
臨風誰爲駐浮槎

別青州妓段東美
薛宜僚
一首

阿母桃花方似錦
王孫草色正如煙
不須更向滄溟望
惆悵歡情恰一年

公子行
孟賓于
一首

錦衣紅奪彩霞明
侵曉春遊向野庭
不識農夫辛苦力
驕驄踏爛麥青青

樓烏曲二首

劉方平 六首

蛾眉曼臉傾城國
鳴環動佩新
相識銀漢斜
臨白玉堂
芙蓉行障揜燈光
畫舸雙艚錦為纜
芙蓉花發蓮葉暗
門前月色映橫塘
感郎中夜波瀟湘

送別

華亭霽色滿今朝
雲裏檣竿去轉遙
莫怪山前深復淺
清淮一日兩回潮

夜月

更深月色半人家
北斗闌干南斗斜
今夜偏知春氣

暖蟲聲新透綠窻紗

春怨二首

紗窻日落漸黃昏
金屋無人見淚痕
寂寞空庭春欲晚
梨花滿地不開門
朝日殘鶯伴妾啼
開簾只見草萋萋
庭前時有東風入
楊柳千條盡向西

萬首唐人絕句卷第二十九

萬首唐人絕句卷第三十

七言一百首

烏棲曲

王建

章華宮人夜上樓
君王望月西山頭
夜深宮殿門不鎖
白露滿山山葉墜

主人故池

曲池高閣相連起
荷葉團團蓋秋水
主人已遠涼風生
舊客不來芙蓉死

長安別

長安清明好時節
只宜相送不宜別
惡心牀上銅片

明照見離人白頭髮

宮人斜

未央牆西青草路宮人斜裏紅粧墓一邊載出一邊
來更衣不減尋常數

春詞

良人朝早半夜起櫻桃如珠露如水下堂把火送郎
回移枕重眠曉窓裏

野池

野池水滿連秋隄菱花結實蒲葉齊川口雨晴風復
止蜻蜒上下魚東西

秋夜曲

秋燈向壁掩洞房良人此夜直明光天河悠悠漏水
長南斗北斗兩相當

別曲

毒蛇在腸瘡滿背去年別家今別弟馬頭對哭各東
西天邊柳絮無根蒂

古謠二首

一東一西隴頭水一聚一散天邊霞一來一去道上
客一顛一倒池中麻

宛宛轉轉勝上紗紅紅綠綠苑中花紛紛汨汨夜飛

鴉寂寂寞離人家

玉藥花

一樹籠鬚玉刻成
飄廊點地色
女冠夜覓香來
處唯見堦前碎月明

歸山莊

長安寄食半年餘
重向人邊乞薦書
山路獨歸衝夜
雪落斜騎馬避柴車

寒食憶歸

京中曹局無多事
寒食貧兒要在家
遮莫杏園勝別
處亦須歸看傍村花

題崔秀才里居

自知名出休呈卷
愛去人家遠處居
時復打門無別
事鋪頭來索買殘書

酬栢侍御答酒

茱萸酒法大家同
好是盛來白椀中
這度自知顏色
重不消詩裏弄溪翁

別藥欄

芍藥丁香手裏栽
臨行一日繞千回
外人應怪難辭
別總是山中自取來

長門

長門

長門閉定不求生燒却頭花卸却箏病卧玉窓秋雨
下遙聞別院喚人聲

題渭亭

雲開遠水傍秋天沙岸蒲帆隔野煙一片蔡州青草
色日西鋪在古臺邊

喜祥山館

夜過深山筭驛程三回黑地聽泉聲自離軍馬身輕
健得向溪邊盡足行

上田尚書

去婦何辭見六親手中刀尺不如人可憐池閣秋風

夜愁綠嬌紅一遍新

雨中寄東溪韋處士

雨中溪破無乾地浸着牀頭濕着書一箇月來山水
隔不知茅屋若爲居

乞竹

乞取池西三兩竿房前栽着病時看亦知自惜難判
割猶勝橫根引出欄

人家看花

年少狂踈逐君馬去來憔悴到京華恨無閑地栽仙
藥長傍人家看好花

未央風

五更先起玉階東
漸入千門萬戶中
總向高樓吹舞袖
秋風還不及春風

贈李僕射二首

和雪翻營一夜行
神旗凍定馬無聲
遙看火號連營赤
知是先鋒上得城

旗旛四面着營稠
手詔頻來老將愁
每日臨行空挑戰
不知生縛入唐州

送遷客

萬里潮州一逐臣
悠悠青草海邊春
天涯莫道無回

日上嶺還逢向北人

廢寺

廢寺亂來爲縣驛
荒松老栢不生煙
空廊屋漏盡僧盡
盡梁上猶書天寶年

題禪師房

浮生不住葉隨風
填海移山總是空
長向人間愁老病
誰來閑坐此房中

看石楠花

留得行人忘却歸
雨中須是石楠枝
明朝獨上銅臺路
容見花開少許時

長安縣後亭看畫

水凍橫橋雪滿池
新排石筍繞巴籬
縣門斜掩無人
吏看畫雙飛白鷺鷥

贈工部郎中二首

金爐煙裏要班頭
欲得歸山可自由
每度報朝愁入
閣在先教示小千牛

多在蓬萊可在家
越緋衫上有紅霞
朝回不向諸餘
處騎馬城西檢校花

酬趙侍御

年少同爲鄴下游
閑尋野寺醉登樓
別來衣馬從勝

舊爭向邊塵滿白頭

鑷白

總道老來無用處
何須白髮在前生
如今不用偷年
少拔却三莖又五莖

九日登叢臺

平原池閣在誰家
雙塔叢臺野菊花
零落故宮無入
路西來澗水繞城斜

題蔡中郎碑

蒼苔滿字土埋龜
風雨消磨絕妙詞
不向圖經中舊
見無人知是蔡邕碑

江館對雨

鳥聲愁雨似秋天
病客思家一向眠
草館門臨廣州路
夜聞蠻語小江邊

雨過山村

雨裏雞鳴一兩家
竹溪村路板橋斜
婦姑相喚浴蠶去
閑着中庭梔子花

對雨寄杜書記

竹煙江雨細相和
看着閑書睡更多
好是主人無事日
應持小拍按新歌

江陵道中

菱葉參差萍葉重
新蒲半折夜來風
江村水落平地出
溪畔漁船青草中

江陵使至汝州

回看巴路在雲間
寒食離家麥熟還
日暮數峯青似染
商人說是汝州山

送山人二首

嵩山古寺離來久
回見溪橋野葉黃
辛苦老師看守處
爲懸秋藥閉空房

山客狂來跨白驢
袖中遺却潁陽書
人間亦有妻兒在
拋向嵩陽古觀居

揚州尋張籍不見

別後知君在楚城揚州寺裏覓君名西江水闊吳山
遠却打船頭向北行

宿長安縣後齋

新向金階奏罷兵長安縣裏繞池行喜歡得伴山僧
宿看雪吟詩直到明

華清宮二首

曉來樓閣更鮮明日出欄竿見鹿行武帝自知身不
死看修玉殿號長生

酒幔高樓一百家宮前楊柳寺前花內園分得溫湯

水三月中間已進瓜

宮前柳

楊柳宮前忽地春在前驚動探春人曉來唯欠驪山
雨洗却秋條綠上塵

留別張廣文

謝恩新入鳳皇城亂定相逢合眼明千萬求方好將
息杏花寒食的同行

送鄭山人歸山

玉作車轅蒲作輪當初不起潁陽人一家總入嵩山
去天子因何得諫臣

傷隋水鳥

一鳥墮水百鳥啼相弔相號遶故堤眼見行人車輾
過不妨同伴各東西

十五夜望月

時會琴客

中庭地白樹栖鴉冷露無聲濕桂花今夜月明人盡
望不知秋思在誰家

眼病寄同官

天寒眼痛少心情隔霧看人夜裏行年少往來常不
住墻西凍地馬蹄聲

寄畫諫議

百年看似暫時間頭白求官亦未閑獨有龍門韋諫
議三徵不起戀青山

尋補闕舊宅

知得清名二十年登山上坂乞新篇除書近拜侍臣
去空院鳥啼風竹前

上魏博田侍中八首

去處長將決勝籌回回身在陣前頭賊城破後先鋒
入看着紅糍不敢收
熨帖朝衣拋戰袍夔龍班裏侍中高對時先奏衙門
將次第天恩與節旄

踏着家鄉馬脚輕暮山秋色眼前明老人上酒齊行
拜得侍中來盡再生

功成誰不擁藩方富貴還須是本鄉萬里雙旌汾水
上玉鞭遙指白雲莊

鼓吹旗幡道兩邊行男走女喜闐闐舊交省得當時
別指點如今却少年

廣場破陣樂初休采蠶高於百尺樓老將氣雄爭起
舞管絃回作大纏頭

威聲萬里動寒烟草白天清塞馬閑觸處不如生處
樂可憐秋月照江山

將士請衣忘却貧綠窻紅燭酒樓新家家盡踏還鄉
曲明月街中不絕人

御獵

青山直入鳳城頭漣水斜分入御溝新校內人唯射
鴨長隨天子苑東遊

山店

登登石路何時盡泱泱溪泉到處聞風動葉聲山犬
吠一家松火隔秋雲

過綺岫宮

玉樓傾側粉墻空重疊青山繞故宮武帝去來羅袖

盡野花黃蝶領春風

初冬旅遊

遠投人宿趁房遲
僮僕傷寒馬亦飢
爲客悠悠十月
盡莊頭栽竹已過時

寄劉蕡問疾

年少病多應爲酒
誰家將息過今春
賒來半夏重煎
盡投着山中舊主人

夜看揚州市

夜市千燈照碧雲
高樓紅袖客紛紛
如今不似時平
日猶自笙歌徹曉聞

觀蠻妓

欲說昭君歛翠蛾
清聲委曲怨於歌
誰家年少春風
裏拋與金錢唱好多

華嶽廟二首

女巫遮客買神盤
爭取琵琶廟裏彈
聞有馬蹄生拍
樹路人來去向南看

自移西嶽門長鎖
一箇行人一遍開
上廟參天今見
在夜頭風起覺神來

老人歌

白髮歌人垂淚行
上皇生日出京城
如今供奉多新

意錯唱當時一半聲

對酒

爲病比來渾斷酒緣花不免却知聞從來樂事關身
少主領春風只在君

秋夜對雨

夜山秋雨滴空廊燈照房前樹葉光對坐讀書終卷
後自鋪衣被掃僧房

和元郎中八月十一至十五夜五首

半秋初入中旬夜已向階前守月明從未圓時看却
好一分分見傍輪生

亂雲遮却臺東月不許父依次第看莫爲詩家先見
境被他龍與作艱難

今夜月明勝昨夜新添桂樹近東枝立多地濕昇牀
坐看過墻西寸寸遲

月似圓來漸漸凝玉盤盛水欲侵稜夜深盡放家人
睡直到天明不炷燈

合望月時長望月分明不得似今年仰頭五夜風中
立從未團圓直到圓

新晴後

住處近山常足雨聞晴曬曝舊方茵立秋日後無多

熱漸覺生衣不着身

霓裳詞十首

弟子部中留一色聽風聽水作霓裳散聲未足重來
授直到牀前見上皇

中管五絃初半曲遙教合上隔簾聽一聲聲向天頭
落効得仙人夜唱經

自直梨園得出稀更番上曲不教歸一時跪拜霓裳
徹立地階前賜紫衣

旋翻曲譜聲初足除在梨園未教人宣與書家分手
寫中官走馬賜功臣

伴教霓裳有貴妃從初直到曲成時日長耳裏聞聲
熟拍數分毫錯總知

絃索撻撻隔采雲五更初發滿宮聞武皇自送西王
母新換霓裳日色裙

勅賜宮人澡浴回遙看美女院門開一山星月霓裳
動好字先從殿裏來

傳呼法部按霓裳新得承恩別作行日晚貴妃樓上
看內人昇下綵羅箱

朝元閣上山風起夜聽霓裳露坐寒宮女月中更替
立黃金梯滑並行難

知在華清年月滿山頭山底種長生去時留下霓裳
曲半是離宮別館聲

朝天詞寄魏博田侍中八首

山川初定國圖寬未識龍顏坐不安風動白髯旌節
下過時天子御樓看

相感君臣總淚流恩深舞蹈不知休初從戰地來無
物唯奏新添十八州

奏催三殿宴沂公別與諸侯總不同隔月太常先習
樂金書牌燾采雲中

無人敢奪在先籌天子門邊送與毬遙索十箱新樣
錦內家昇到馬前頭

御馬牽來親自試珠毬到處玉蹄知殿頭宣勸連催
上未解紅纓不敢騎

四海無波乞放閑三封手跪獻龍顏他時若有邊塵
動不待天書自出山

胡馬悠悠未盡歸玉關猶隔吐蕃旗老臣三表求高
卧邊事從今遣問誰

重賜弓刀內宴回看人城外滿高臺君臣不作其時
別收盡邊旗當日來


萬首唐人絕句卷第三十

萬首唐人絕句卷第三十一

七言一百首

宮中詞一

王建二



秋殿清齋刻漏長紫微宮女夜燒香拜陵日到公卿
發鹵簿分頭出太常

二

羅衫葉葉繡重重金鳳銀鵝各一叢每遍舞時分兩
向太平萬歲字當中

三

魚藻池中鎖翠娥先皇行處不曾過如今池底休鋪

錦菱角雞頭積漸多

四

殿前明日中和節連夜瓊林散舞衣傳報所司分蠟
燭監開宮鎖放人歸

五

五更三點索金車盡放官人出看花仗下一邊催立
馬殿頭先報內園家

六

小殿初成粉欲乾貴妃姊妹自來看爲逢好日先移
入續向街西索牡丹

七

內人相續報花開准擬君王便看來逢着五絃紅繡
袋宜春院裏按歌回

八

巡吹慢遍不相和暗數看誰曲校多明日梨園花裏
設先須逐得內家歌

九

黃金合裏盛紅雪重結香羅四出花一一傍邊書勅
字中官送與大臣家

十

天明東上閣門開排仗聲從殿裏來阿監兩邊相對
立遙聞索扇一時回

十一

日高殿裏有香煙萬歲聲長動九天妃子院中新降
誕內家分得洗兒錢

十二

宮花不與外邊同正月長先一半紅供御櫻桃看守
別直無鴉鳥到園中

十三

殿前鋪設兩邊樓寒食宮人步打毬一半走來齊跪

拜上棚先謝得頭籌

十四

太儀前日暖房來囑向昭陽乞藥栽勅賜一窠紅躑
躑謝恩未了奏花開

十五

御前新賜紫羅襦不下金階上軟輿宮局揔來爲喜
樂院中新拜內尚書

十六

鸚鵡誰教轉舌關內人手裏養來姝語多更覺承恩
澤數對君王憶隴山

十七

分朋閑坐賭櫻桃
休却投壺玉腕勞
各把沉香雙陸
子局中鬪累阿誰高

十八

春風院院落花堆
金鎖生衣掣不開
更築歌臺起粧
殿明朝先進畫圖來

十九

行中第一爭先舞
博士傍邊亦被欺
忽覺管絃先破
拍急翻羅袖不教知

二十

日今天晴近臘時
玉階金瓦雪離離
浴堂門外抄名
入公主家人謝面脂

二十一

未承恩澤一家愁
乍到宮中憶外頭
求守管絃聲款
逐側商調裏唱伊州

二十二

雨入珠簾滿殿涼
避風新出石盆湯
內人恐要秋衣
着不住熏籠換好香

二十三

東風潑火雨新休
昇盡春泥掃雪溝
走馬犢車當御

路漢陽公主進雞毬

二十四

風簾水閣壓芙蓉四面鈎闌在水中避熱不歸金殿
宿秋河織女夜粧紅

二十五

金吾除夜進儺名畫袴朱衣四隊行院院燒燈如白
日沉香火底坐吹笙

二十六

避暑昭陽不擲盧井邊含水噴鴉雛內中數日無呼
喚搦得滕王蛺蝶圖

二十七

內宴初休入二更殿前燈火一時明宮中傳旨音聲
散諸院門開觸處行

二十八

忽地金輿向月陂內人接着便相隨却回龍武軍前
過當處教開卧鴨池

二十九

樹葉初成鳥護窠石榴花裏笑聲多衆中遺却金釵
子拾得從饒購贖羅

三十

畫作天河刻作牛玉梭金鑷采橋頭每年宮女穿針
夜勅賜諸親乞巧樓

三十一

新秋白兔大如拳紅耳霜毛趁草眠天子不教人射
殺玉鞭遮到馬蹄前

三十二

籠煙紫氣日曛曛宣政門開玉殿風五刻閣前卿相
出下簾聲在半天中

三十三

白玉窻中起草臣櫻桃初出賜嘗新殿頭傳語金階

遠只進詞來謝聖人

三十四

內人對御疊花牋繡坐移來玉案邊紅蠟燭前呈草
本平明昇出閣門宣

三十五

千牛仗下放朝初玉案傍邊立起居每日請來金鳳
紙殿頭無事不多書

三十六

延英引對碧衣郎江硯宣毫各別床天子下簾親考
試宮人手裏過茶湯

三十七

少年天子愛邊功親到凌煙畫閣中教覓勲臣寫真
樣長生殿裏作屏風

三十八

樓前立仗看宣赦萬歲聲長拜舞齊日照采盤高百
尺飛仙爭上取金雞

三十九

新調白馬怕鞭聲供奉騎來繞殿行先報諸王侵早
入隔門催進打球名

四十

對御難爭第一籌殿前不打背身毬內人唱好龜茲
急天子捎回過玉樓

四十一

新衫一樣殿頭黃銀帶排方韃尾長揔把玉鞭騎御
馬綠鬃紅額麝香香

四十二

城東北面望雲樓半下珠簾半上鉤騎馬行人長速
過忽防天子在樓頭

四十三

官人拍手笑相呼不識庭前掃地夫乞與金錢爭借

問外頭還似此閒無

四十四

小隨阿姊學吹笙見好君王賜與名夜拂玉床朝把鏡黃金殿外不教行

四十五

春來睡困不梳頭懶逐君王苑北遊暫向玉花階上坐簸錢贏得兩三籌

四十六

禁寺紅樓內裏通香山引駕夾城中裏頭蕃女簾前立手把牙梢竹彈弓

四十七

別敕教歌不出房一聲一遍奏君王再三博士留殘拍索向宣徽作徽章

四十八

私縫黃帔捨釵梳欲得金仙觀裏居近被君王知識字收來案上檢文書

四十九

聖人生日明朝是私地教人囑內監自寫金花紅榜子在前進上鳳皇衫

五十

玉蟬金掌三層插翠髻高髻綠鬢虛舞處春風吹落
地當時別賜一頭梳

五十一

射生宮女宿紅粧把得新弓各自張臨上馬時齊賜
酒男兒跪拜謝君王

五十二

十三初學擘箏篔簹弟子名中被點留昨日教坊新進
入並房宮女與梳頭

五十三

紅蠻捍撥帖曾前移坐當頭近御筵用力獨彈金殿

響鳳皇飛出四條絃

五十四

春風吹展曲旗竿得出深宮不怕寒誇道自家能走
馬園中橫過覓人看

五十五

粟金犀帶碧牙錐散插紅翎玉突枝旋獵一邊還引
馬歸來雞兔繞鞍垂

五十六

雲駮花驄各試行一般毛色一般纓殿前來往重騎
過欲得君王別賜名

五十七

往來舊院不中修教近金鑾別起樓聞有美人新入
內宮中未識大家愁

五十八

合暗報來門鎖了夜深應別喚笙歌房房下着珠簾
睡月過金階冷露多

五十九

御池水色春來好處處分流白玉渠密奏君王知入
用喚人相伴洗裙裾

六十

新晴水色暖溫暎岸雪初消澹水渾今日踏青歸校
晚傳聲留着望春門

六十一

家常愛着舊衣裳空插紅梳不作粧忽地下階裙帶
解非時應得見君王

六十二

舞來汗濕羅衣徹樓上人扶下玉梯歸到院中重洗
面金花盆裏潑紅泥

六十三

青樓少婦研裙長摠被抄名入教坊春設殿前爲隊

舞朋頭各自請衣裳

六十四

艾心芹葉初生小
祗鬪時新不鬪花
總待大家般數
盡袖中拈出鬱金牙

六十五

衆中愛得君王喚
偷把金箱筆硯開
書破紅蠻隔子
上旋推當直內人來

六十六

紅燈睡裏喚春雲
雲上三更直宿分
金砌雨來行步
滑兩人擡起隱花裙

六十七

內鷹籠脫解紅條鬪
勝爭飛出手高直上青雲還却
下一雙金爪掬花毛

六十八

競渡船頭掉采旗
兩邊濺水濕羅衣
池東爭向池西
岸先到先書上字歸

六十九

燈前飛出玉階蟲
未卧常聞半夜鍾
看着中元齋日
到自盤金線繡真容

七十

唐詩卷三十一
步行送入長門裏不許來辭舊院花只恐它時身到此乞求恩赦放還家

七十一

一時起立吹簫管得寵人來滿殿迎整頓衣裳皆着却舞頭當拍第三聲

七十二

琵琶先抹綠腰頭小管丁寧側調愁半夜美人雙起唱一聲聲出鳳皇樓

七十三

春池日暖少風波花裏牽船水上歌遙索劍南新樣

錦東宮先釣得

多

七十四

蜂鬚蟬翅薄髮

浮動搔頭似有風一度出時拋一

遍金條零落滿

中

七十五

教遍宮娥唱盡詞暗中頭白没人知樓中日日歌聲好不問從初學阿誰

七十六

每夜停燈熨御衣銀熏籠底火微微遙聽帳裏君王覺上番聲鍾始得歸

七十七

樹頭樹底覓殘紅一片西飛一片東自是桃花貪結
子錯教人恨五更風

七十八

因喫櫻桃病放歸三年着破舊羅衣內中侍從來還
去結得頭花上貴妃

七十九

欲迎天子看花去下得金階却悔行恐見失恩人舊
院回頭憶着五絃聲

八十

自知歌舞勝諸人邀勒君王出內頻奉勅宮中修理
院地衣簾額一時新

八十一

悶來無處可思量旋下金階旋憶牀收得山丹紅藥
粉鏡前洗却麝香黃

八十二

嫌羅不着索輕繡對面教人染退紅衫子成來一遍
出明朝半片在園中

八十三

彈棋玉指兩參差背局臨虛闕着危先打角頭紅子

落上三金字半邊垂

八十四

御厨不食索時新每見花開即是春
白日睡多嬌似病隔簾教喚女醫人

八十五

叢叢洗手繞金盆旋拭紅巾入殿門
衆裏遙拋金橘子在前に收得便承恩

八十六

兩樓新換珠簾額中尉明朝設內家
一樣金盤五十五面紅酥點出牡丹花

八十七

盡送香毬出內家記巡傳把一枝花
散時各自燒紅燭相逐行歸不上車

八十八

宿糝殘粉末明天摠立昭陽花樹邊
寒食內人長白打庫家先散與金錢

八十九

後宮宮女無多少盡向園中笑
一團舞蝶落花相覓看春風共語亦應難

九十

玉簫改調箏移柱催換紅羅繡舞筵未戴柘枝花帽
子兩行宮監在簾前

九十一

宛轉黃金白柄長青荷葉子畫鴛鴦把來不是呈新
樣欲進微風到御牀

九十二

供御香方加減頻水沉山麝每回新內中不許相傳
出已被醫家寫與人

九十三

窸窸戶戶院相當揔有珠簾玳瑁牀雖道君王不來

宿帳中長下着香囊

九十四

蓬萊正殿壓雲鰲紅日初生碧海濤開着五門選北
望柘黃新統御牀高

九十五

金殿當頭紫閣重仙人掌上玉芙蓉太平夫子朝迎
日五色雲車駕六龍

九十六

平明開着九重關金畫黃龍五色幡宣至銀臺排仗
合聖人三殿冊西番

九十七

丹鳳樓前把火開
先排法駕出蓬萊
棚前走馬人宣
慰只拜南郊當日回

九十八

集賢殿裏圖書滿
校勘頭邊御印同
真跡進來知字
數別收鎖在玉函中

九十九

移來女樂部頭邊
新賜花檀木五絃
纏得紅羅手帕
子當中更畫一雙蟬

一百

藥童食後送雲漿
高殿無風扇少涼
每到日中重掠
鬢袂衣騎馬繞宮廊

萬首唐人絕句卷第三十一

萬首唐人絕句卷第三十二

七言一百首

涼風亭睡覺

裴度 二首

飽食緩行新睡覺一甌新茗侍兒煎脫巾斜倚繩牀
坐風送水聲來耳邊

雪中訝諸公不相訪

憶昨雨多泥又深猶能携妓遠過尋滿空亂雪花相
似何事居然無賞心

春興

武元衡 六十二首

楊柳陰陰細雨晴殘花落盡見流鶯春風一夜吹鄉

夢夢逐春風到洛城

酬裴起居西亭留贈

艷歌能起關山恨紅燭偏疑寒寒情況是池塘風雨
夜不堪絲管盡離聲

送張司錄赴京

江南煙雨塞鴻飛西府文章謝掾歸相送汀洲蘭杜
晚菱歌一曲淚沾衣

宿青陽驛

空山搖落三秋暮螢過疎簾月露團寂寞孤燈愁不
寐蕭蕭風竹夜窸寒

送盧起居

相如擁傳有光輝何事闌干淚濕衣舊府東山餘妓
在重將歌舞送君歸

送張諫議

漢庭從事五人來白首疆場獨未回今日送君竟斷
處寒江寥落數枝梅

題嘉陵驛

悠悠風旆繞山川山驛空蒙雨似煙路半嘉陵頭已
白蜀門西更上青天

送柳郎中

望鄉臺下秦人去學射山中杜魄哀落日河橋千騎
別春風寂寞旆旌回

春日偶題

山川百戰古刀州龍節來分聖主憂靜守化條無一
事春風獨上望京樓

聽歌

月上重樓絲管秋佳人夜唱古梁州滿堂誰是知音
者不惜千金與莫愁

唐昌玉蕊花

琪樹年年玉蕊新洞宮長閉綵霞春日暮落英鋪地

雪獻花無復九天人

送李侍御之鳳翔

柳暗花明池上山高樓歌酒換離顏他時欲寄相思
字何處黃雲是隴關

贈佳人二首

步搖金翠玉搔頭傾國傾城勝莫愁若逞仙姿游洛
浦定知神女謝風流
林鶯一啁四時春蟬翼羅衣白玉人曾逐使君歌舞
地清聲長咽翠眉顰

送魏正則擢第歸江陵

商山路接玉山深古木蒼然晝合陰會府登筵君最
少江城秋至肯驚心

登闔閭古城

登高遠望自傷情柳發花開映古城全盛已隨流水
去黃鸝空囀舊春聲

山居

身依泉壑將時背路入煙蘿得地深終歲不知城廓
事手栽松竹盡成陰

夜雨憶郭通微

桃源未去阻風塵世事悠悠又遇春雨滴閑階清夜

久焚香偏憶白雲人

送嚴秀才

灞澹別離腸已斷江山迢遞信仍稀送君偏下臨岐
淚家在南州身未歸

春亭雪夜寄西鄰二舍人

廣庭飛雪對愁人寒谷由來不惜春却笑山陰乘興
夜何如今日戴家鄰

酬韋胄曹

相逢異縣蹉跎意無復少年容易歡桃李美人攀折
盡何如松栢四時寒

同幕府夜宴惜花二首

芳草落花明月榭朝雲暮雨錦城春莫愁紅艷風前
散自有青娥鏡裏人

五侯門館百花繁紅燭搖風白雪翻不似鳳皇池畔
見飄揚今隔上林園

訓韋曹登天長寺見寄

青門幾度沾襟淚併在東林雪外峯今日重煩相憶
處春光知遶鳳池濃

陌上暮春

青青南陌柳如絲柳色鶯聲晚日遲何處最傷游客

思春風三月落花時

春日偶作

飛花寂寂燕雙雙南客衡門對楚江惆悵管絃何處
發春風吹到讀書窓

春暮寄杜嘉興兄弟

柳色千家與萬家輕風細雨落殘花數枝瓊玉無由
見空掩柴扉度歲華

渡淮

暮濤凝雪長淮水細雨飛梅五月天行子不須愁夜
泊綠楊多處有人煙

訪裴校書不遇

梨花落盡柳花時
庭樹流鶯日過遲
幾度相思不相見
春風何處有佳期

秋原寓目

木落風高天宇曠
秋原一望思悠悠
哉邊城今足射鵰
騎連鴈嗷嗷何處來

立秋華原南館別二客

風入泥陽池館秋
片雲孤鶴兩難留
明朝獨向青山郭
唯有蟬聲催白頭

代佳人贈張郎中

洛陽佳麗本神仙
冰雪顏容桃李年
心愛阮郎留不住
獨將珠淚濕紅鈿

送嚴侍御赴黔中

武陵源在朗江東
流水飛花仙洞中
莫問阮郎千古事
綠楊歸處翠霞空

使次盤豆驛望永樂縣

山川不記何年別
城郭應非昔所經
欲駐征車終日望
大河雲雨晦冥冥

餞裴行軍赴朝命三首

三年同看錦城花
銀燭連宵照綺霞
報國從來先意

氣臨岐不用重咨嗟

珠履三千醉不歡玉人猶若飲冰寒送君空有無言

淚足下關山行路難

來時聖主假光輝心恃朝恩計日歸誰料忽成雲雨
別獨將邊淚灑戎衣

緱山道中

秋山寂寞秋水清寒郊木葉飛無聲王子白雲仙去
久洛濱行客夜吹笙

歲暮送舍人使京

邊城歲盡望鄉關身逐戎旌未得還欲別臨岐無限

淚故園花發寄君攀

寓興

二月楊花飛滿空飄飄十里雪如風不知何處香醪
熟願醉潘園芳樹中

塞上春懷

東風河外五城喧南客征袍滿淚痕愁至獨登高處
望藹然雲樹重傷蒐

塞外月夜寄荆南熊侍御

南依劉表北劉琨征戰年年簫鼓喧雲雨一乖千萬
里長城秋月洞庭猿

秋日經潼關感寓

昔年曾逐漢征東，三授兵符百戰中。
力保山河嗟下世，秋風牢落故營空。

贈歌人

仙歌靜轉玉簫催，疑是流鶯禁苑來。
它日相思夢巫峽，莫教雲雨晦陽臺。

鄂渚送人

雲帆眇眇巴陵渡，煙樹蒼蒼郢城江。
上梅花無數發送君，南浦不勝情。

和韋常侍

孤雲永日自徘徊，巖館蒼蒼遍綠苔。
望苑忽驚新詔下，彩鸞歸處玉籠開。

送崔舍人二首

赤墀同拜紫泥封，四牡連徵侍九重。
唯有白鬚張司馬，不言名利尚相從。

芳郊欲別闌干淚，故國難期聚散雲。
分手更逢江館暮，馬嘶猿叫不堪聞。

單于罷戰却歸題善陽館

單于南過善陽關，身逐歸雲到處閑。
曾是五年蓮府客，每聞胡虜哭陰山。

學仙難

玉殿笙歌漢帝愁，鸞龍儼駕望瀛洲。
黃金化盡方士死，青天欲上無緣由。

春晚聞鶯

寂寂蘭臺曉夢驚，綠林殘月思孤鶯。
猶疑蜀魄千年恨，化作冤禽萬轉聲。

聞嚴祕書與諸客夜會

衡門寥落歲陰窮，露濕莓苔葉厭風。
聞道今宵阮家會，竹林明月七人同。

聞王仲周所居牡丹花發戲贈

聞說亭花秀，暮春長安才子看。
須頻花開花落無人見，借問何人是主人。

酬王三八見招

王昌家直在城東，落盡林花昨夜風。
多興不辭千日醉，隨君走馬向新豐。

贈送

麻衣如雪一枝梅，笑掩微粧入夢來。
若到越溪逢越女，紅蓮池裏白蓮開。

見郭侍郎題壁

萬里楓江偶問程，青苔壁上故人名。
悠悠身世恨南

北一別十年空復情

郊舍寓目

晨趨禁掖暮郊園九陌蒼蒼煙露繁明月上時群動
息雪峯高處正當門

單于曉角

胡兒吹角漢城頭月皎霜寒大漠秋三奏未終天便
曉何人不起望鄉愁

汴州聞角

何處金笳月裏悲悠悠邊客夢先知單于城上關山
曲今日中原摠解吹

送白將軍

紅燭芳筵惜夜分歌樓管咽思難聞早知怨別人閒
在不下青山老白雲

題李將軍林亭

落英飄蕪雪紛紛啼鳥如悲霍冠軍逝水不回絃管
絕玉樓迢遞鎖浮雲

送崔摠赴池州

春風絲管怨津樓三奏行人醉不留別後相思江一
岸落花飛處杜鵑愁

贈圓明上人

李德裕九首

遠公說易長松下龍樹雙經海藏中今日導師聞佛
慧始知前路化成空

贈奉律上人

知君學地厭多聞廣度群生出世氛飯色不應殊寶
器樹香皆遣入禪薰

長安秋夜

內官傳詔問戎機載筆金鑾夜始歸萬戶千門皆寂
寂月中清露點朝衣

懷京國

海上東風犯雪來臘前先折鏡湖梅遙思禁苑青春

夜坐待宮人畫詔回

登崖州城作

獨上高樓望帝京鳥飛猶是半年程青山似欲留人
住百匝千遭遶郡城

伊川晚望

桑葉初黃梨葉紅伊川落日盡無風漢儲何假終南
客角里先生在谷中

寄茅山孫鍊師二首

石上溪蓀發紫茸碧山幽靄水溶溶菖花定是無人
見春日惟應羽客逢

獨尋蘭渚翫遲暉閑倚松窓望翠微遙想春山明月
曉玉壇清磬步虛歸

上巳日憶江南禊事

黃河西繞郡城流上巳應無祓禊遊爲憶潁江春水
色更隨宵夢向吳洲

重到惠山二首

李紳 二十一首

碧峯依舊松筠老重得經過已白頭俱是海天黃葉
信兩逢霜節菊花秋
望中白鶴憐歸翼行處青苔恨昔遊還向竹窓名姓
下數行添記別離愁

答章孝標

假金方用真金鍍若是真金不鍍金十載長安得一
第何須空腹用高心

來詩有金湯
鍍了之句

朱槿花

瘴煙長暖無霜雪槿艷繁花滿樹紅每歎芳菲四時
厭不知開落有春風

至潭州聞猿

昔陪天上三清客今作端州萬里人湘浦更聞猿夜
嘯斷腸無淚可沾巾

江亭

瘴江昏霧連天合欲作家書更斷腸今日病身悲狀
候豈能埋骨向炎荒

紅蕉花

紅蕉花樣炎方識瘴水溪邊色最深葉滿叢深殷似
火不唯燒眼更燒身

憶漢月

花開花落無時節春去春來有底憑燕子不藏雷不
蟄燭煙昏霧暗騰騰

端州江亭得家書二首

雨中鵲語喧江樹風處蛛絲颺水潯開拆遠書何事

喜數行家信抵千金

長安別日春風早嶺外今來白露秋莫道淮南悲木
葉不聞搖落更堪愁

聞猿

見說三聲巴峽深此時行者盡沾襟端州江口連雲
處始信哀猿傷客心

贈韋金吾

自報金吾主禁兵腰間寶劍重橫行接輿也是狂歌
客更就將軍乞一聲

長門怨

劉阜亦有

宮殿沉沉曉欲分，昭陽更漏不堪聞。
珊瑚枕上千行淚，不是思君是恨君。

宿昭應

此是顧況詩

武帝祈靈太一壇，新豐樹色繞千官。
那知今夜長生殿，獨閉空山月影寒。

龜山寺魚池

汲水添池活白蓮，十千鬢鬣盡生天。
凡庸不識慈悲意，自葬江魚入九泉。

却望無錫芙蓉湖五首

水寬山遠煙嵐迴，柳岸縈回在碧流。
清晝不風鳧鴈少，却疑初夢鏡湖秋。

丹橘村邊燭火微，碧波明處鴈初飛。
蕭條落日垂楊岸，隔水寥寥聞搗衣。

逐波雲采參差遠，背日嵐光隱見深。
猶似望中連海樹，月生湖上是山陰。

舊山認得煙嵐近，湖水平鋪碧岫間。
喜見雲泉還悵望，自慙山叟不歸山。

翠崖幽谷分明處，倦鳥歸雲在眼前。
惆悵白頭爲四老，遠隨塵土去伊川。

柳

陶令門前胷接籬亞夫營裏拂朱旗人事推移無舊物年年春至綠垂絲

題惠照寺二首 王播

三十年前此院游木蘭花發院新修如今再到經行處樹老無花僧白頭

上堂亦了各西東慙愧闍梨飯後鍾三十年來塵撲面如今始得碧紗籠

題李處士山居 楊嗣復 二首

卧龍決起爲時君寂寞康廬唯白雲今日仲容脩故業草堂焉敢更移文

謝寄新茶

石上生牙二月中蒙山顧渚莫爭雄封題寄與楊司馬應爲前銜是相公

詠架上鷹 崔鉉 一首

天邊心膽架頭身欲擬飛騰未有因萬里碧霄終一去不知誰是解條人

待漏院吟 劉鄴 一首

玉堂簾外獨遲遲明月初沉勘契時閑聽景陽鍾盡後兩鶯飛上萬年枝

萬首唐人絕句卷第三十二

萬首唐人絕句卷第三十三

七言一百首

夜巖謠

施肩吾

夜上幽巖踏靈草松枝已踈桂枝老新詩幾度惜不
吟此處一聲風月好

島夷行

腥臊海邊多鬼市島夷居處無鄉里黑皮年少學採
珠手把生犀照鹹水

帝宮詞

自得君王寵愛時敢言春色上寒枝十年宮裏無人

唐詩卷三十三
問一日承恩天下知

歎花詞

前日滿林紅錦遍今日遶林看不見空餘古岸泥土
中零落燕脂兩三片

杜鵑花詞

杜鵑花時天艷然所恨帝城人不識丁寧莫遣春風
吹留與佳人比顏色

曉光詞

日輪浮動羲和推東方一軋天門開風神爲我掃煙
霧四海蕩蕩無塵埃

望曉詞

攬衣起兮望秋河濛濛遠霧飛輕羅蟠桃樹上日欲
出白榆枝畔星無多

海邊遠望

扶桑枝邊紅皎皎天雞一聲四溟曉偶看仙女上青
天鸞鶴無多采雲少

聽南僧說偈詞

師子座中香已發西方佛偈南僧說惠風吹盡六條
塵清淨水中初見月

春日美新綠詞

前日萌芽小於粟今朝草樹色已足天公不語能運
為驅遣羲和染新綠

對月憶嵩陽故人

團團月光照西壁嵩陽故人千里隔不知三十六峯
前定為何處峯前客

贈莎地道士

莎地陰森古蓮葉游龜暗老青苔甲池邊道士誇眼
明夜取蟪螟摘蚊睫

效古詞二首

莫愁得新年十六如蛾雙眉長帶綠初學篋篋四五

人莫愁獨自聲前足

姊妹無多兄弟少舉家鍾念年最小有時繞樹山鵲
飛貪看不待畫眉了

冬日觀早朝

紫煙捧日爐香動萬馬千車踏新凍繡衣年少朝欲
歸美人猶在青樓夢

觀吳偃畫松

君有絕藝終身寶方寸巧心通萬造忽然寫出澗底
松筆下看看一枝老

題山僧水閣

山房水閣連空翠沉沉下有蛟龍睡老僧趺坐入定
時不知花落黃金地

登峴亭懷孟生

峴山自高水自綠後輩詞人心眼俗鹿門才子不再
生怪景幽竒無管屬

吳中代蜀客吟

身狎吳兒家在蜀春深屢唱思鄉曲峨眉風景無主
人錦江悠悠爲誰綠

戲詠榆莢

風吹榆錢落如雨繞林繞屋來不住知爾不堪還酒

家漫教夷甫無行處

寄李補闕

蒼生應怪君起遲蒲輪重輾嵩陽道功成名遂來不
來三十六巢仙鶴老

貧客吟

檻毯蔽衣無處結寸心耿耿如刀切今朝欲泣泉客
珠及到盤中却成血

誚山中叟

老人今年八十幾口中零落殘牙齒天陰偃僂帶嗽
行猶向巖前種松子

憶四明山泉

愛彼山中石泉水幽聲夜落虛窻裏至今憶得卧雲
時猶自涓涓在人耳

聞山中步虛聲

何人步虛南峯頂鶴唳九天霜月冷仙詞偶逐東風
來誤飄數聲落塵境

題龍池山人

主人家在龍池側水中有魚不敢食終朝采藥供仙
厨却笑桃花少顏色

翫新桃花

幾歎紅桃開未得忽驚造化新裝飾一種同霑榮盛
時偏荷清光借顏色

山石榴花

深色燕脂碎剪紅巧能攢合是天公莫言無物堪相
比妖艷西施春驛中

翫友人庭竹

曾去玄洲看種玉那似君家滿庭竹客來不用呼清
風此處挂冠涼自足

秋夜山居二首

幽居正想餐霞客夜久月寒珠露滴千年獨鶴兩三

聲飛下巖前一枝栢
去鴈聲遙人語絕誰家素機織新雪秋山野客醉醒
時百尺老松銜半月

秋夜山中別友人

獨鶴孤雲兩難說明朝又作東西別知君少壯無十
年莫愛閑吟老松月

贈別王鍊師往羅浮

道俗駢闐留不住羅浮山上有心期却愁仙處人難
到別後音書寄與誰

春日食霞閣

灑水初晴物候新食霞閣上最宜春山花四面風吹
入爲我鋪床作錦茵

喜友再相逢

三十年前與君別可憐容色奪花紅誰知日月相催
促此度見君成老翁

候仙詞

西歸公子何時降南岳先生早晚來巡歷世間猶未
遍乞求鸞鶴且裴回

修仙詞

丹田自種留年藥玄谷長生續命芝世上漫忙兼漫

走不知求已更求誰

山中得劉秀才京書

自笑家貧客到踈滿庭煙草不能鋤今朝誰料三千
里忽得劉公一紙書

夏日題方師院

火天無處買清風悶發時來入梵宮只向方師小廊
下回看門外是樊籠

游春樂

一年三百六十日賞心那似春中物草迷曲渚花滿
園東家年少西家出

仙客歸鄉詞二首

六合八荒游未半子孫零落暫歸來井邊不認捎雲
樹多是門人在後栽

洞中日月洞中仙不筭離家是幾年出郭始知人代
變又須拋却古時錢

雲州飲席

酒腸雖滿少歡情身在雲州望帝城巡次合當誰改
令先須爲我打還京

戲贈李主簿

官罷江南客恨遙二年空被酒中消不知暗數春游

處偏憶揚州第幾橋

春詞

沈亞之亦有

黃鳥啼多春日高
紅芳開盡井邊桃
美人手暖裁衣
易片片輕雲落剪刀

題景上人山門

水有青蓮沙有金
老僧於此獨觀心
愁人欲寄中峯
宿只恐白猿啼夜深

妓人殘粧詞

雲髻已收金鳳皇
巧勻輕黛約殘粧
不知昨夜新歌
響猶在誰家繞畫梁

臨水亭

只怪素亭黏黛色
溪煙爲我染莓苔
欲知源上春風
起看取桃花逐水來

聽范玄長吟

聲聲扣出碧琅玕
能使秋猿欲叫難
詩興未窮心更
遠手垂青拂向雲看

觀葉生畫花

心竅玲瓏貌亦奇
榮枯只在手中移
今朝故向霜天
裏點破繁花四五枝

洗丹沙詞

千淘萬洗紫光攢夜火熒熒照玉盤恐是麻姑殘米
粒不曾將與世人看

長安春夜吟

露盤滴時河漢微美人燈下裁春衣蟾蜍東去鵲南
飛芸香省中郎不歸

自述

篋貯靈沙日日看欲成仙法脫身難不知誰向交州
去為謝羅浮葛長官

少年行

醉騎白馬走空衢惡少皆稱電不如五鳳街頭新勒

轡半垂衫袖揖金吾

越中遇寒食

去歲清明雪溪口今朝寒食鏡湖西信知天地心不
易還有子規依舊啼

贈採藥叟

老去唯將藥裏行無家無累一身輕却教年少取書
卷小字燈前鬪眼明

清夜憶仙宮子

夜靜門深紫洞煙孤行獨坐憶神仙三清宮裏月如
晝十二宮樓何處眠

江南怨

愁見橋邊荇葉新
蘭舟枕水楫生塵
從來不是無蓮采
十頃蓮塘賣與人

送絕塵子歸舊隱二首

雲水千重繞洞門
獨歸何處是桃源
仙方不用隨身去
留與人間老子孫

班藤爲杖草爲衣
萬壑千峯獨自歸
縱令相憶誰相報
桂樹巖邊人信稀

送裴秀才歸淮南

怪來頻起詠刀頭
楓葉枝邊一夕秋
又向江南別才

子却將風景過揚州

錢塘渡口

天塹茫茫連沃焦
秦皇何事不安橋
錢塘渡口無錢納
已失西興兩信潮

春日宴徐君池亭

暫憑春酒換愁顏
今日應須醉始還
池上有門君莫掩
從教野客見青山

山中送友人

欲折楊枝別恨生
一重枝上一啼鶯
亂山重疊雲相掩
君向亂山何處行

寄王少府

采松仙子徒銷日
喫菜山僧枉過生
多謝藍田王少府
人間詩酒最關情

贈女道士鄭玉華二首

玄髮新簪碧藕花
欲添肌雪餌紅沙
世間風景那堪戀
長笑劉郎漫憶家

明鏡湖中休采蓮
却師阿母學神仙
朱絲誤落青囊裏
猶是箜篌第幾絃

寄西臺李侍御

二千餘里採瓊瓌
到處傷心瓦礫堆
唯有繡衣周柱

史獨將珠玉挂西臺

贈凌仙姥

阿母從天降幾時
前朝唯有漢皇知
仙桃不啻三回熟
飽見東方一小兒

晚春送王秀才游剡川

越山花去剡藤新
才子風光不厭春
第一莫尋溪上路
可憐仙女愛迷人

馮上人院

擾擾凡情逐水流
世間多喜復多憂
一回行到馮公院
便欲令人百事休

金吾詞

行擁朱輪錦幘兒望仙門外叱金羈染鬚偷嫩無人
覺唯有平康小婦知

觀舞女

纏紅結紫畏風吹嫋娜初回弱柳枝買笑未知誰是
主萬人心逐一人移

鄆縣村居

欲往村西日日慵上山無水引高蹤誰能求得秦皇
術爲我先驅紫閣峯

酬周秀才

三展蜀牋皆郢曲我心珍重甚瓊瑤應緣水府龍神
睡偷得蛟人五色綃

旅次文水縣喜遇李少府

爲君三日廢行程一縣官人是酒朋共憶襄陽同醉
處尚書坐上納銀觥

夏雨後題青荷蘭若

僧舍清涼竹樹新初經一雨洗諸塵微風忽起吹蓮
葉青玉盤中瀉水銀

途中逢少女

身倚西門笑向東牡丹初折一枝紅市頭日賣千般

鏡知落誰家新匣中

山中翫白鹿

繞洞尋花日易銷
人間無路得相招
吻吻白鹿毛如雪
踏我桃花過石橋

山居樂

鸞鶴每於松下見
笙歌常向坐中聞
手持十節龍頭杖
不指虛空即指雲

襄陽曲

大堤女兒郎莫尋
三三五五結同心
清晨對鏡理容色
意欲取郎千萬金

望夫詞三首

看看北鴈又南飛
薄倖征夫久不歸
蟾子到頭無信處
凡經幾度上人衣

手爇寒燈向影頻
回文機上暗生塵
自家夫婿無消息
却恨橋頭賣卜人

何事經年斷書信
愁聞遠客說風波
西家還有望夫伴
一種淚痕兒最多

少婦游春詞

簇錦攢花鬪勝遊
萬人行處最風流
無端自向春園裏
笑摘青梅叫阿侯

折柳枝

傷見路邊楊柳春一重折盡一重新今年還折去年處不送去年離別人

歸將吟

百戰放歸成老翁餘生得出死人中今朝授勅三回舞兩賜青娥又拜公

惜花詞

千樹繁紅遶碧泉正宜尊酒對芳年明朝欲飲還來此只怕春風却在前面

拋纏頭詞

翠娥初罷繞梁詞又見雙鬟對舞時一抱紅羅分不足參差裂破鳳皇兒

望騎馬郎

碧蹄新壓步初成玉色郎君弄影行賺殺唱歌樓上女伊州誤作石州聲

春日錢塘雜興二首

酒姥溪頭桑嫋嫋錢塘郭外柳毵毵路逢鄰婦遙相問小小如今學養蠶

西鄰年少問東鄰柳岸花隄幾處新昨夜雨多春水闊隔江桃葉喚何人

翫手植松

却思毫末栽松處青翠纔將衆草分今日散材遮不
得看看氣色欲凌雲

夜笛詞

皎潔西樓月未斜笛聲寒亮入東家却令燈下裁衣
婦誤剪同心一半花

贈鄭倫吹鳳管

喃喃解語鳳皇兒曾聽梨園竹裏吹誰謂五陵年少
子還將此曲暗相隨

蜀茗詞

越椀初盛蜀茗新薄煙輕處攪來勻山僧問我將何
比欲道瓊漿却畏嗔

春霽

煎茶水裏花千片候客亭中酒一樽獨對春光還寂
寞羅浮道士忽敲門

諷山雲

閑雲生葉不生根常被重重蔽石門賴有風簾能掃
蕩滿山晴日照乾坤

日晚歸山詞

虎跡新逢雨後泥無人家處洞邊溪獨行歸客晚山

裏賴有鷓鴣臨路岐

翫花詞

今朝造化使春風開拆西施面上紅
竟日眼前猶不足數株昇入寸心中

萬首唐人絕句卷第三十三

